



QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum,
die Jovis octava Januarii.

M. ROLANDO MERLET, Doctore
Medico, Præsidente.

An fistula ani sectio?

I.

ANUS pars corporis situ infima non usu
ἀρχὸς dicitur, quod imperet ne ante vo-
luntatis imperium quidquam effluat. Ad
id constringitur sphinctere valdè carno-
so, & insuper aliis duobus musculis fulcitur, ne
in durâ ejectione anus foras excidat. Hæc proci-
dentia familiaris pueris, quibus blandè reponen-
dus litu prævio cum molli spongiâ & astringente
fotu ex vino veteri retinendus. Anus nonnullis
imperforatus, aperiendus forfice venit; hinc enim

recens natis exitu fœcum præpedito, in fœcis parentibus, vita erepta fuit. Et bestiis quibusdam hæc ima excrementi via ita coaluit, ut attenuatum excrementum siccum per vesicam exiret.

I I.

IN anum defluunt hæmorrhoidales venæ, quarum aliæ à Cavâ, aliæ à Portâ prodeunt, & ut hæ Cacochymiam, sic illæ Plethoram educunt. Ambarum sanguisugæ vicariæ, ut venæ sectionis cucurbitulæ. Hæmorrhoides longioris vitæ indices, vitam ut protrahunt si moderatè fluant, sic mortem accelerant si copiosè aut diù sanguinem purum profundant. Affectus etiam graves inducunt maximè melancholiam & phthisim, si post assuetum & longum fluxum diù subsistant ad superiora refluentes. Item arthritis recurrens sursùm hydro-pem parit in thorace, quare ex pluribus servanda una.

I I I.

ANI fistulam pariter parit vena malè suppurata, nam ad ipsius marginem confluunt extrà & intrò multa vasa quæ dum atrum & fæculentum sanguinem ritè non expurgant, in illis putrescens præ acrimoniâ abit in ulcus fistulosum, à quo primò fluit sanies tenuis, quæ inficit linteamina, & cum nutritioni partis omninò sit ineptus iste sanguis, ibi carnem callosam ac durum fistulæ in modum excavat, nam ab angusto ore in ampliorem sinum per cuniculos varios de-

finiſit. Fiſtula autem ubique cernitur, etiam in oculo, artubus, & cavitatibus: at omnium peſſima cæca, dum conſpici non poteſt ope ſpeculi ani, ubi quò ſuperior, eò periculoſior; per fiſtulam aliquando flatus cum humoribus erumpit.

I V.

CHIRURGIA Medicinæ partium præſtantiffima ſola tutò ani fiſtulæ medetur. Diæta equidem ad ipſius curationem aliquid confert modò accurata & tenuis; præcipuè poſt adminiſtrationem Chirurgicam, quæ cibum ſolidiorem reſpuit. Pharmacia non tam neceſſaria, cum ultimam manum admoveat Chirurgia, quæ antè, & poſt adminiſtrationem ob generoſum præſidium valdè utilis, & in admotione topicorum quæ benigna eſſe debent, nec tam frequenter immutanda. Et licet Chirurgia non curet jucundè, attamen cum tutò & citò cultro incurvo anus reſecetur, hæc ſectio ligaturæ, & uſtioni antepoſenda venit. Maximè ſi à perito & foelici Chirurgo adminiſtrètur.

V.

ANI fiſtulam Chirurgia triplici methodo ſanat, ſectiõne; ligaturâ, uſtione. Ultima reſcicienda præ crudelitate, ob quam Archagatus, ob id carnifex dictus, expulſus Româ, non alii Medici Dogmatici per plures annos, ut falſò narratur. Uſtio non tantùm dira & dura, ſed & in-

utilis & noxia, cum decidente escharâ, quam inducit, hæmorrhagia & ulcus refricentur. Ligatura minus læva, attamen & repudianda, ob diuturniorem administrationem; nequit enim, nisi repetitis multis fili aut setæ vinculis, perfici. At sectio ob celeritatem & securitatem anteposenda; apparato namque ritè corpore, & citò resecto sphinctere, cicatrix adeò firma ibi inducitur, ut nullus sit metus recidivæ; & cum per syringotomum fistulæ os pateat, ipsius labia forfice fimbriatim incidenda, ut faciliùs coalescat caro, cujus durities emollienda, & quod excrementitium succrevisset, blandis cathæreticis absumendum, sed
ἀσφαλὲς ἰατρικόν.

Ergo fistula ani sectio.

Domini Doctores disputaturi.

M. Pontius Maurin.

M. Jacobus des Prez.

M. Petrus Perreau, Decanus.

M. Franciscus Maillard.

M. Renatus Chauvel,

M. Bertinus Dieuxvoye.

Schola Professor.

M. Joannes Poisson.

M. Petrus-Paulus Guyart.

M. Stephanus Bachet.

Proponebat Lutetiæ CAROLUS CONTUGI, Parisinus,
 Baccalaureus Medicus. A. R. S. H. 1688.

P A R I S I I S,

Apud Franciscum Muguet, Regis, & Facultatis Medicinæ
 Typographum.